



Guurka iyo Deynta Minnesota

Marriage and Debts in Minnesota

Warqadan xogta aruursan ahi waxa ay haysaa akhbaar ku saabsan guurka iyo deynta. Haddii aad deyn la wadaagto qof kale laakiin aydnaan is qabin qofkaa, eeg warqadayada xogta aruursan ee [Lamaanayaasha aan Is Qabin, Deynta, iyo Hantida](#).

Xilahayga lacag ayaa horey loogu lahaa ka hor intii aan is guursan. Ma inaan bixiyaa deyntaa?


Maya. Mas'uul kama tihin deynta xilahaagu uu gashay adiga la'aantaa ka hor intii aydnaan is guursan. Arrintani waa dhab xataa haddii deyntu ay ku shaqo leedahay wax aad isticmaasho – sida haddii xilahaagu uu leeyahay guriga aad hadda ku nooshahay. Dhamaan wixii amaahda ah ee xilahaagu horey loogu lahaa kolkii aad isguursanayseen iyaga oo kaliya ayaa lagu leeyahay.

Si taa la mid ah weeye adiguna taadu. Deynta lagugu lahaa guurka ka hor adiga ayaa mas'uul ka ah, qofka aad isqabtaana laguma khasbi karo inuu bixiyo.

Ciddee ka mas'uul ah deynta wadajirka la isugu leeyahay?

haddii adiga iyo xilahaagu aad wadajir deyn u qaadataan, labadiinuba mas'uul ayaad ka tihiin inaad dib u bixisaan. Cidii rabtaa lacagta ha isticmaasho ama ha qaadato alaabta deyntala qaatay lagu gatay. Haddii labada magacba ay ku wada qoran yihiin warqadaha deynta, labadiinuba mas'uul ayaad ka tihiin.

Haddii adiga iyo xilahaagu aad wadajir u qaadataan kaararka amaahda (credit card), labadiinuba mas'uul ayaad ka tihiin **dhamaan** wixii lagu gato kaararka. Waxa aad mas'uul ka tahay kaarka la wadaago wixii lagu gato xataa haddii aadan ku raacsanayn ama aadanba aqoon waxa kaarka lagu gatay.



Hase yeeshee, waxa la yiraa “isticmaalaha la ogol yahay” waa ay duwan tahay taa. Haddii aad haysto kaararka amaahda ka dibna aad qof ka dhigto “isticmaalaha la ogol yahay,” kolkaa waxa aad mas'uul ka tahay deynta ee mas'uul kama tihid “isticmaalaha la ogol yahay.”

Haddii aad is furtaan qofkii aad isqabteen labadiinuba waxa aad mas'uul ka tihiin deynta xataa haddii alaabta deynta lagu soo qaatay uu labadiina mid kaliya uu haysto.

Marba hadii magacaagu uu ku qoran yahay amaahda mas’uul ayaad ka tahay. Haddii qof kale aad la wadaagto uuna qofkaasi joojiyo bixinta amaahda, waa inaad sii wadaa inaad bixiso waxa oo dhan si aad u ilaaliso kiridhodkaaga. Waa aad isku dayi kartaa inaad lacagta aad dib uga hesho qofkii aad isqabi jirteen hadii warqadaha furiinka ee maxkamada ee kama dambaysta ahi ay leeyihiin in qofkii horey aad isu qabi jirteen ay wuxuun waajib ahi ka saaran yihiin amaahda. Meel dhigo cadeymaha sheegaya inaad amaahdii aad wada bixisay.

Haddii aysan waxba ka oran amaahda warqadaha amarka furiinku, waa aad isku dayi kartaa inaad dib u hesho qaarka mid ah lacagta hadii aad aado maxkamada dhexdhexaadinta, laakiin taasi waa ay adkaan kartaa in la sameeyo. Eeg warqadayada xogta aruursan ee [Maxkamadaha Dacwadaha Madaniqa](#).

Waa dayntee mida aad labadayadu mas’uulka ka nahay in kastoo hal qof uun magacii ay ku qoran tahay?

Kuwaasi waa qaarka mid ah deymaha la galo inta aad isqabtaan ee aad labadiinuba mas’uul ka tihiiin – xataa hadii magaca qofka kale ee aad isqabtaan uun ay dayntu ku qoran tahay, xataa hadii aadan waxba ka ogeyn daynta.

- **Waxyaabaha Qoyska iyo Reerka Quseeya**

Labadiina qof ee isqabaa waxa aad mas’uul ka tihiiin daynta loo galo waxyaabaha qoysku u baahan yahay inuu isticmaalo. Tusaale ahaan, hadii xilahaagu uu u soo qaado madbakh qoyskaaga, labadiinuba waxa aad mas’uul ka tihiiin bixinta daynta mabbakha.

- **Khasiraadyada Caafimaadka**

Haddii xilahaagu lagu leeyahay deyn daryeel caafimaad awgii uu galay oo magaciisa ah, caadiyan mas’uul kama tihid deyntaa aan ka ahayn inaad adigu ogolaatay inaad bixiso. Laakiin, haddii aad is furtaan maxkamadda furiinku waxa ay go'aansan kartaa inaad adigu la wareegto dhamaan ama qayb ka mid ah deyntaa caafimaad. Siddoo kale haddii xilahaagu uu dhinto ka hor bixinta deynta caafimaadka, qoladda deynta leh waxaa dhici karta inay isku dayaan inay lacagtooda ka helaan wixii hanti ah ee xilahaagu uu ka tagay.

- **Khasiraayada kale**

Labadiinuba waxa aad mas’uul ka tihiiin deymaha kale ee ku qoran magaca xilagaaha kaliya hadii aad saxiixday heshiis qandaraas oo aad ku ogolaanayso inaad bixiso. Tan marmarka qaarkood waxaa loogu yeeraa wada-saxiixid. Haddii aadan doonayn inaad mas’uul ka noqoto ha ku qoran magacaaga deynta.

Waxaa jira marmar aysan ahayn inaad bixiso deyn aan adiga magacaagu ku qornayn. Tusaale ahaan, hadii xilahaagu uu amaah magaciisu uun uu ku qaato si uu ugu gato mooto, badanaa mas’uul kama tihin amaahdaa aan ka ahayn inaad doonayso inaad mootada mulkigeeda aad wax ku yeelato.




Ma mas’uul baan ka ahay kharashaadka caafimaad iyo kuwa nolosha hadii aan qofka aan isqabto aan kala baxno?

Hadii xilahaagii aad kala baxdeen ama aynaan wada noolayn iminka, mas’uul kama tihiid xilahaaga kharashyadiisa caafimaad ama kuwa gurigiisa ee soo baxa ka dib kolka aad kala baxdaan.

Siddee ayaan ku cadeyn karaa inaan qofkii aan isqabnay aan kala baxnay?

Hadii aad haysato, waxa aad tusi kartaa maxkamada amarka kala bixida. Hadii kale, waxa aad isticmaali kartaa heshiisyada liiska guryaha ama khasiraadyada korontada si aad u cadeyso in adiga iyo xilahaagu aad labo guri oo kala duwan ku kala nooshihiin.



Maxaa laga yeeli deyntayada aad wadajirka u galnay hadii aan is furno?

Kolka aad is furtaan, maxkamadu waxa ay soo saartaa amar maxkamadeed oo la yiraa “amarka furiinka.” Amarka furiinka waxaa ku jira go’aanka xaakimka ee deynta. Xaakimka ayaa go’aansada cidda mas’uulka ka noqonaysa deynta. Tusaale ahaan, waxaa dhici karta inaad bixiso dhamaan deynta oo dhan ama qayb deynta magaca xilahaaga ku qoran., ama xaakimku waxa uu go’aansan karaa deynta in si is le’eg aad u bixisaan adinku.

Laakiin Xusuusnow: amarka furiinku waxa kaliya oo quseeyaa labadiina uun, ee ma quseeyo deyn-bixiyeyaasha. Hadii deyntu ay magacaaga ku qoran tahay, deyn-bixiyeyaashu waa ay ku dacweyn karaan adiga uun xataa hadii amarka furiinku uu leeyahay xilahaagii hore waa inuu bixiyo deynta.

Hadii aakhirka ay noqoto inaad bixiso deynta uu xaakimku yiri xilahaaga ayaa mas’uul ka ah, dib ugu noqo maxkamadii waydiisanaya in amarka maxkamada la oofiyo. Tus maxkamada nuqulka amarka furiinka iyo cadeyn ah inaad adigu bixisay deynta. Rasiidyo ama jeegag la baajiyey ayaa ah cadeymo wacan.

Ka waran haddii xilahaygu uu ku qaatay deyn magacayga aana waxba ka ogeyn?

Sharciga Minnesota ee deynta dirqiga ah ayaa ku caawin kara haddii uu xilahaagu ku qaatay deyn magacaaga (kaar deyn) adigoo ogeyn. AMA haddii uu xilahaagu kugu khasbay ama kuugu hanjabay inuu wax ku yeeli haddii aadan qaadan deynta. Arrintan waxaa la yiraa tacadi dhaqaale. Waxa aad waydiisan kartaa maxkamaddu inay kaa saamaxdo inaad bixiso deyntaa. Waa khasab inaad tahay dhibane tacadi qoyska dhexdiisa ah loo geystay, dhibane khashkhashaad, ama tahriibin dhanka galmada ama shaqadda ah loo geystay si aad u awoodo inaad codsato cafiskan.

Waa inaad ku ogaysiiso amaah-bixiyeesha qoraal aadna siiso qoraaladda sharxaya xaaladda aadna u cadeyso sababta aadan mas’uulka uga ahayn amaahda. Kuwaasi waxa ay noqon karaan waxyaabaha sidida:

- warbixin booliis

- warbixin musuq/xatooyo magac ka hadlaysa
- amar furiin oo maxkamadeed, ama
- oraah qoraal ah oo dhaar ah oo aad adigu siinayso amaah-bixiyaha

Waxa aad waydiisan kartaa maxkamadda inay kaa masaabaxdo deynta ama ay xukunto in xilahaahu uu mas’uul ka yahay bixinta amaahda. Waxaa aad siddoo kale ka codsan kartaa in galka dacwaddu uu noqdo mid qarsoodi ah haddii aad u baahan tahay inaad ka amaan gasho tacadi mustaqbalka laguu geysto.

Sharcigani ma quseeyo deynta curaarta leh. Deynta curaarta lahi waa deynta leh ‘rahmadda.’ Tusaale ahaan, gaari ayaa dib loo ceshan karaa ama guri ayaa lala wareegi karaa haddii aadan lacagtooda ahaamda ah aan la bixin. Siddoo kale sharcigani kaliya waxa uu quseeyaa deymaha cusub ee la qaatay ka dib Janaayo 1, 2024. Uma isticmaali kartid sharcigan deymahii hore oo xilligaa ka horeeyey.

Furiinka iyo Hantida Dhulka

Xaakimku waxaa kale oo uu go’aansan karaa waxa laga yeeli “hantida dhulka” ee adiga iyo xilahaagu aad wadajirka u wada gadateen xilligii aad isqabteen. Hantida Dhulku waa dhul iyo dhismayaal, sida guri oo kale. Labadiinuba waxa aad u leedihiin xaq ugu yaraan inaad heshaan qayb wixii hanti dhul ee la gatay intii guurku uu jiray, **xataa hadii hal magac ay ku qoran tahay.** Haddii aad doonayso inaad hantida dhulka aad la harto xaakimku waxaa dhici kara inuu ka dhigo mas’uuliyadaada bixinta amaahda, canshuurta iyo dayactirka guriga.



Ka hor inta aadan saxiixan warqada furiinka, hubi inaad fahamto waxa ay tahay lacagta lagu leeyahay wixii hanto dhul ah ee ku qoran xilahaaga macagiisa uun. Adiga iyo xilahaagu waxa aad ku heshiin kartaan cidda la haraysa xaquuqda mulkiga hantida dhulka xilliga furiinka. Haddii aydnaan ku heshiin karin adinku xaakimka ayaa go’aanka kama dambaysta ah ee arrinta gaaraya.

Haddii aadan doonayn inaad mas’uul ka noqoto lacagta dhulka lagu leeyahay, waxaa dhici karta inaad doonan inaad sheegato saamigaaga dhulka. U sheeg xaakimka. Adiga iyo xilahaaga waxa aad ku heshiin kartaan in asaga ama iyadu ay la harto dhamaan xuquuqda mulkiga hantida xilliga furiin. Haddii aydnaan ku heshiin karin adinku xaakimka ayaa go’aanka kama dambaysta ah ee arrinta gaaraya.

Ka waran hadii uu amaah-bixiyahu uu yiraa waa inaad anigu bixiyo deynta xilahayga?

Haddii amaah-bixiye uu kula soo xiriiro oo ku yiraa waa inaad bixiso biil xilahaaga magaciisa ku qoran, waydii waxa dayntu ay tahay. Haddii aysan ahayn deyn qoysku qaatay intii la is qabay ama deyn daryeel caafimaad ah oo aad ogolaaday inaad bixiso, waxaa laga yaabaa inaysan ahayn inaad bixiso. Sida ugu fiican ee naftaada looga dhowro arrimahan oo kale waa inaad hubiso inaad ku qorto dhamaan wixii deyn ah warqadaha furiinka. Hubi in amarka furiinka ee kama dambaysta ahi uu qoro kuligood uuna cadeeyo cidda mas’uulka ka ah.

Ka feejignow: Haddii hal mar aad bixiso khasiraad aan magacaaga ku qornayn kolkaa, waxaa dhici karta in mas'uuliyadaada laga dhigo dhamaan deynta oo dhan ha dhow.

Goboladu waxa ay leeyihiin xeerar kala duwan oo arrintan quseeya. Khasiraad soo qaade gobol kale joogaa waa dhici karta inuusan aqoon xeerarka Minnesota. Waydii amaah-bixiyaha ama kharisaad soo qaadaha inay kuu soo diraan cadeyn ah inaad mas'uul ka tahay amaahda. Cadeyntu waxa ay noqon kartaa biil muujinaya in deyntu tahay wax ka yimid wax uu qoysku u baahnaa inuu helo. Cadeynta waxay kaloo noqon kartaa qoraal aad adigu saxiixday oo aad ku ogolaatay inaad bixiso deynta.

Haddii adiga ciddi ku dacaweeysa, hubi inaad ka "Jawaabto" warqadaha maxkamada. Eeg warqadayada Xogta Aruursan ee [Maxaan Yeelayaa Haddii La I Dacweeyo](#).

Iska indho-tirida warqadaha waxa ay keeni karaan amar maxkamadeed oo oranaya waa inaad bixiso deynta. U sheeg maxkamadda sharciga Minnesota. U sharax in deymaha xilahaagu aysan la xiriirin kharashaad qoysku galay ama in aadan la noolayn xilahaaga kolkii deymaha la galay.

Waxa aad [ka sameyn kartaa "Jawaab" Khadka](#) ee ah www.lawhelpmn.org/forms (ingiriisi kaliya)

→ Hel "Debts, Fees, Deposits" (Deynta, Khidmadaha iyo Dabaajiyada)

→ Riix "Answer a "Summons and Complaint - Debt Collector Lawsuits" (Jawaabta U Yeerida iyo Ashtakada – Dacwada Deyn Qaadaha)

Ka waran haddii deyntu ay ahayd ka hor intii aanan u soo guurin Minnesota?



Haddii aad ku noolayd gobol kale, sharciga Minnesota ma go'aansado cidda mas'uulka ka ah deynta la galay iyadoo meel kale la joogo. Eeg sharciyada gobolka aad ka soo guurtay si aad u oogaato inaad mas'uul ka tahay wax deyn ah oo xilahaagu galay adigoo ku nool meel kale. Waa lagugu khasbi karaa inaad bixiso deynta adigoo halkan Minnesota ku sugan haddii maxkamad gobol kale ahi ay xukunto in labadiinaba la idinku leeyahay khasiraad gobolka dibadiisa ka dhacday.

Xafido diiwaanada dhaqaalahaaga oo buuxa. La soco waxa hantida ah ee aad leedahay iyo waxa lagugu leeyahay ama aan lagugu lahayn. Si fiican u xafididdu waxa ay kaa caawin kartaa inaad deymahaaga aad xakamayso, waxay sidoo kale kaa caawin kartaa adiga inaad tusto deyn-bixiyeyaasha deymaha aadan shakhsiyad adigu mas'uulka ka ahayn.

Xog Urursan oo ku saabsan macluumaadka sharciga MA AHA talo xagga sharciga. La tasho qareen. Ha isticmaalaan xogtan urursan haddii ay 1 sano ka soo wareegtay xilligii la daabacay. Weydiiso xogtii ugu dambaysay, liiska xogta urursan, ama aad ku hesho habab kale.

© 2026 Minnesota Legal Services Coalition. Qoraalkan waa la sii badin karaa waxaana loo adeegsan karaa oo kaliya hab shaqsi ah iyo waxbarasho kaliya. Xuquuqda kale waa mid la dhawray. Ogeysiiskan waa inuu la socdaa nuqul kasta oo la sii daabaco. Dib u daabicidda, sii qeybinta, iyo in loo isticmaalo hab ganacsi ah waa mid si adag loo mamnuucay.